

Naslovnica > ZDK

ZDK

Uspješnom akcijom policije u Tešnju pronađeno više od 3kg

31. Jula 2025.

163



Policijski službenici Policijske stanice Tešanj su, poduzimajući mjere i radnje na preveniranju posjedovanja i neovlaštene proizvodnje i stavljanja u promet opojnih droga, kao i otkrivanju i procesuiranju lica koja se dovode u vezu sa zloupotrebom opojnih droga, došli do određenih operativnih saznanja o nezakonitim aktivnostima lica Š.E., rođenog 1983. godine, iz Tešnja, koje se dovodi u vezu sa zloupotrebom opojnih droga. U skladu sa prikupljenim informacijama i saznanjima, a na osnovu naredbe Općinskog suda u Tešnju, izvršen je pretres kuće i pratećih objekata koje koristi navedeno lice a koji se nalazi u mjestu Piljužići, općina Tešanj. Izvršenim pretresom, u okviru kojeg je korišten i policijski pas za otkrivanje narkotika, pronađeno je sljedeće:

- 3173 grama praškaste materije koja svojim izgledom asocira na opojnu drogu amfetamin (speed),
- 2 ručne bombe i okvir za pištolj,
- digitalna vaga za precizna mjerenja i
- 2 aparata za vakumiranje.

Sporna materija, oružje i predmeti su fotografisani, izuzeti i bit će predmet potrebnih vještačenja i provjera, te će biti korištenikao dokazni materijal u daljnjem postupku. Prilikom pretresa,lice Š.E. je lišeno slobode i nad istim je zavedena kriminalistička obrada zbog postojanja osnova sumnje da jepočinilo krivično djelo “Neovlaštena proizvodnja i stavljanje upromet opojnih droga” iz člana 238. Krivičnog zakonaFe deracije BiH.

Nakon kriminalističke obrade i prikupljenih dokaza i obavještenja, osumnjičeni Š.E. će uz Izvještaj o počinjenom krivičnom djelu i otkrivanju izvršioca biti predat u nadležnost i daljnje postupanje Kantonalnog tužilaštva Zeničko-dobojskog kantona.

Ova uspješna policijska akcija je rezultat pojačanog operativnog rada naloženog sa nivoa Uprave policije Ministarstva unutrašnjih poslova Zeničko-dobojskog kantona ali i ostvarene kvalitetne saradnje i koordiniranog postupanja u okviru sprovedenih aktivnosti.

Pored zapljene ove značajne količine opojne droge, na koji način je spriječena njena daljnja prodaja krajnjim konzumentima, u okviru ovih aktivnosti je iskazan visok nivo odvažnosti i profesionalizma u postupanju policijskih timovaPolicijske stanice Tešanj, što je samo potvrda

intencije i strateškog postupanja Uprave policije Ministarstva unutrašnjih poslova Zeničko-dobojskog kantona da jednim odlučnim rukovođenjem i koordiniranjem svih službi i jedinica, osigura energičan odgovor na sve pojavne oblike nezakonitog djelovanja pojedinaca i grupa, koje sa ciljem ostvarivanja imovinske koristi vrše nezakonito prometovanje i prodaju opojnih droga.

Dijeliti

f

Facebook

WhatsApp

WhatsApp

POVEZANI ČLANCI

ZDK

Ministar Adnan Sirovica posjetio demobilisanog borca Nedžada Goraliju kojem je u požaru izgorio dom

BIH

Poznat termin isplate julske penzije, uz penzije i jednokratna pomoć

BIH

U Bosni i Hercegovini krajem juna evidentirano 316.927 nezaposlenih osoba

